



**KOMMUNALBESTYRELSIP
IMMIKKUT ITTUMIK ATAATSIMIINNERA
MARLUNNGORNEQ 21. MAJ 2024 NAL. 09:00**

Peqataasut:

1. Palle Jerimiassen (AT), borgmesteri
2. Jens Ole Nathanielsen (IA), borgmesterip tullia siulleq
3. Sakio Fleischer (S), borgmesterip tulliaata aappaa
4. Aqqalu C. Jerimiassen (A)
5. Knud Kleemann (A)
6. Lena Ravn Davidsen (D)
7. Bendt B. Kristiansen (IA)
8. Niels Davidsen (IA)
9. Anthon Frederiksen (N),
10. Jens Napâtok' (N)
10. Ane Qujaukitsoq (S)
12. Elisabeth Nielsen (S)
13. Jakob Petersen (S)
14. Jens Kristian Therkelsen (S)
15. Jørgen Kruse (S)
16. Margrethe Christensen (S)
17. Timotheus Petersen (S)

Imaqarniliortoq:

Nick Nielsen, pisortaaneq

Immikkut aggersakkat:

Pisortaqatigiit

Oqalutsit:

Ataatsimeeriaaseq:

Teams-ikkut

KOM	QULEQUTAQ	BILAG
043	Takornariaqarnermut inatsisissatut tusarniut	001
044	Sumiiffinni immikkut toqqakkani takornariartitsisarnernut akuersissuteqartarneq pillugu Inatsisartut inatsisissaattut siunnersuummik tusarniaassuteqarneq	002
045		003

Aaliangiineq:

--

Suliap nr.	Qulequtaq	Bilag nr.	001
KOM 043	Takornariaqarnermut inatsisissatut tusarniut	Journal nr.	

Uteqqiineq:

Naalakkersuisut takornariartitsinermit 24. april, sumiiffinni nunami aalajangersimasuni zone-nut agguasaarneq il.il. pillugu inatsisissatut ilusilikkamik tusarniaallutik aallartipput. Inuussutissarsiornermut ataatsimiititaliap sulinermini politik-ikkullu naapitsisarnermini oqariartuutigisarpaa takornariaqarnermi ingerlatsinermi inatsimmik amingaateqarneq, tamannalu naalakkersuisunut ataasiangittumik anngunneqartarnikuulluni.

Qulequttat pillugit ukiup siuliani Naalakkersuisuusimasoq takornariartitsisunik Ilulissani naapisitsivoq. Taamattaq aamma sumiiffinni aalajangersimasuni umiarsuit tikeqqusaanngisassaattut siunnersuuteqaqqusisoqarmat ataatsimiititaliap kommuni tamaat tusarniutigivaa kingorna kommunalbestyrelsimi 24. nov. 2023 oqaluuserineqariarluni pisortaqarfimmut nassiuunneqartumik.

Suliap saqqummiunna:

Inatsimmi siunertaavoq Kalaallit Nunaannut takornariartitsisarnerup ineriartortinneqarnerata siuarsarneqarnissaa, kiisalu qularnaarniarneqarluni takornariartitsisarnerup ingerlanneqartarnissaa ilaatigut sillimaniarnermik, peqqissutsimik, avatangiisinik aammalu piujuaannartitsinermit tunngavilinnik isiginiyaalluni ingerlanneqartarnissaa, kiisalu aamma takornariartitsisartut inuiaqatigiit kalaallit ineriartortinneqarnerannut tunniussaqartarnissaat.

Siunnersuut periarfissaqartitsivoq Kalaallit Nunaanni takornariartitsisarnerup ineriartortinneqarneranik siursaasoqarnissaanik, killiliussat ersarinnerusut iluanni, periarfissaqartitsisunik ineriartortitsineq, ilutigisaanillu isiginiagassanik eqqaaneqartunik suliaqarneq.

Inatsisikkut taamaattumik piumasaqaataalissaaq Kalaallit Nunaanni takornariartitsisarnermik ingerlatsinermit akuersissummik peqartarnissaaq. Kiisalu aamma siunnersuutigineqarpoq akuersissummik pigisaqartunut piumasaqaataassasoq maani najugaqartuuneq Kalaallit Nunaannullu tamakkiisumik akileraartartuuneq.

Ilutigisaanillu siunertaavoq inatsimmi pisinnaatitsisoqarnissaa nunap immikkoortuini sumiiffinni zone-nik taaneqartunik aqqissuussisoqartarnissaanut malittarisassioqarnissaa. Zone-nik aqqissuussinerit qularnaassavaat inuussutissarsiornikkut ingerlatsiviit allat ingerlatsisinnaanerit isiginiyaalluni sumiiffiit qanoq atorneqarsinnaanerit, sillimaniarnermik, peqqissusissamik, avatangiisinik aamma piujuaannartitsinermit.

Inatsisissami pineqarput takornariaqarnermi aningaasarsiutaasumik takornarissanut neqerooruteqarlutik sullissisut, tamannalu nassuiaat siammasingaatsiarpoq. assersuutitut kiosk-it, tammajuittussanik tuniniaaviit, umiatsianik angallassinerit, illuaqqani unnuisitsilluni takornariartitsisartut, qimussiussisartut, unnuisarfiit (B&B) taamatuttaarlu angerlarsimaffit attartortittakkat (Airbnb).

Takornarissatut nalilerneqarput kikkut illoqarfik/nunaqarfik angerlarsimaffeqarfitsik qimallugu illoqarfimmut/nunaqarfimmut angalasoq sumut tikiiffimmini avataaneersutut sullinneqartoq.

Inatsisissami pingaarnertut maluginiangassat tassaapput:

- Piginnaatitsissummik (autorisation) peqarnissamik piumasaqaat, taassungalu malittaasumik piumasaqaatit
- Takornariartitsinermit ingerlatsisinnaanermut akuersissummik pisinnaanermut piumasaqaatit
- Zone-nut agguaneq il.il. inuussutissarsiutinik ingerlatsinermit aamma sumiiffiit ilaannut killeqartumik isersinnaatitaaneq

Aporfiusinnaasut

Annertuunik aningaasaliissuteqarniartoqartillugu aningaasaliisussanik suleqatissarsiorsinnaaneq ajornartussatut ernummatigineqarsinnaavoq, nunatsinni nalunaarsorsimasumit piginneqataassuseq minnerpaamik pilersaarutip 2/3-nik annertussuseqassasoq piumasaqaataammat, tamannalu nunatsinni tamatigut piareersimaffigineqarani. Uani ernummatigineqarsinnaavoq aningaasaliissutit 2/3-nik piginnittuussuseq naammassineqarsinnaatinnangu isertutukkut akunnermiliulluni aningaasaliineq pilerataannaasq.

Piginnaatitsissummik peqarnissamik piumasaqaat naammassiumallugu qinnuteqariaaseq oqimaattutut isikkoqarpoq, ernummatigineqarsinnaalluni takornariartitsinermut ingerlataqarusuttut qinnuteqarnissamut tunuarsimaarsinnaasut.

Piginnaatitsissummik peqarnissamik piumasaqaat Namminersorlutik Oqartussani suliarineqartassappat ungasianit sullissineq annertoq ingerlanneqassooq qanimut malussarniutit pingaaruteqarsinnaasut piujunnaratik, tamaattumik eqqarsaatigineqartariaqarsorinarpoq qinnuteqaatinik sullissineq kommuninit ingerlanneqartarnissaa, tassungalu aningaasanik immikkoortitsisoqariaqassasoq.

Apequtigineqartariaqarpoq ullumikkut takornariartitsinermik ingerlataqartut, nunatta avataanit pisuusut, Namminersorlutik Oqartussanillu kiffartuussinermik isumaqatigiissuteqartuusut inatsisissami qanoq inissinneqarumaarnersut.

Piginnaatitsissummik (autorisation) peqarnissamik piumasaqaat malinneqarnerseq Naalakkersuisut nakkutigisussaavaat, tamannalu qanoq naammassineqassanersooq ersarissarneqartariaqarpoq, nakkutilliineq ungasianik ingerlanneqarsinnaanngimmat, soorluttaaq maanna Søfartstyrelse-mut attuumasuni nakkutinniineq naammanginartinneqanngittoq.

Maannakkumut takornariartitsinermi sullissisut qissimikkaanni, arlallit ukiuni arlalinni nunatsinni takornariartitsinermi sullissisuupput piginnittuussuseq qissimikkaanni nunatta avataanit pigineqartuullutik. Inatsisissatut tusarniut isikkumisut isikkoqarluni akuerineqassappat imaaliallaannaq nunatsinnit piginnittuussitsip 2/3-ia pisiarineqarsinnaatinnangu sullissinerit uneratarsinnaasut. Taamaattoqassappat ernummatigineqartariaqarpoq takornariartitsinermi sullissisinnaasut pisariaqartinneqartut ikileratarsinnaanerat.

Maluginiarneqassooq Ataatsimiititaliap siusinnerusukkut pingaartillugu oqaatigisartangaa, sumi takornarissanik sullitaqarnermi sillimaniarneq eqqarsaatigalungu sumiiffinni ilisimasalinnik atuinissamik piumasaqaateqartariaqarnerq tusarniummi ilaatinneqanngimmat.

Ingerlariaqqinneq

Tusarniummut akissuteqarnissaq Inuussutissarsiornermut, Niuernermet, Aatsitassanut, Inatsisit Atuutsinneqarnerannut Naligiissitaanermullu Naalakkersuisoqarfiup kingusinnerpaamik ulloq 22. maj 2024 nassiunneqareersimassooq.

Naatsorsuutigineqassooq tusarniaasernerit assingusut sanillersuukkaanni tusarniummut akissuteqaataasimasut tinguneqareersimalerpata, Naalakkersuisoqarfiup tulluussaatiagerusutani tulluussaatiageriarsinnaarlugit ukiamut Inatsisartut ataatsimiinnissaannut inatsisissaq saqqummiunneqarumarpoq. Ilisimaaraarpulli oqaaseqaatigineqartut tamatigut malinneqartanngimmata.

Aningaasaqarnermi kingunerisinnaasat:

Toqqaannartumik kinguneqassanngilaq.

Inatsisitigut tunngavigisat aamma toqqammavissiisutut allagaatit:

- Kommunit aqunneqarnerat pillugu Inatsisartut inatsisaat nr. 29, 17. november 2017-imeersoq

Suliamik isumaginninneq:

Inuussutissarsiornermut Ataatsimiititaliaq
Aningaasaqarnermut Ataatsimiititaliaq
Kommunalbestyrelse

Inuussutissarsiornermut Ataatsimiititaliap aaliangernera:

Ingerlatsivimmit inassutigineqarput:

Ataatsimiititaliap tusarniummut akissutissatut oqaaseqaasiaq eqqartorlungulu isummerfigissangaa Nalilersorneqassasoq suliffeqarfiit pioreersut eqqarsaatigalungit Inatsisissatut siunnersuutip atuutilerfianit minnerpaamik ukiut tallimat ikaarsaarfitut sivisussilerneqarnissaat inassutigineqassasoq, pingaartumik unnuisarfiit angisuut eqqarsaatigalungit Naalakkersuisut inassuteqarfigineqassasut, sioqqutsisumik sillimaniarnermut periusissiorinissamut pikkorissartitsinerit aallartisarnissaannik

Aaliangerneq:

Inassuteqaataasut akuerineqarput, ataatsimiititaliap ernumaatigisai ima:

Takornariartitsinermik ingerlataqareersut nutaamillu aallartisarnissamik pilersaaruteqartut, pingaartumik unnuisarfinnik ingerlatsisut artorsinneqannginnissaat qulakkeerneqartariaqarput, ilaatingut naalakkersuinikkut qularnaveeqqusiissuteqarsinnaaneq isorliunerusunut aqutissiuunneqartariaqarpoq. Inatsisissatut tusarniut siunertamitut iluatsissappat nunatsinni takornariarfiunerpaasumi Ilulissani takornarialerinerimik ilinniarfimmik peqartariaqarneq avaqunneqarsinnaanngilaq.

Aningaasaqarnermut Ataatsimiititaliap aaliangernera:

Inuussutissarsiornermi Ataatsimiititaliap Aningaasaqarnermut Ataatsimiititaliamut inassutingaa Inuussutissarsiornermut Ataatsimiititaliami aaliangerneq ilalerneqassasoq

Aaliangerneq:

Inassutigineqartoq akuerineqarpoq.

Piumasarineqarporlu akissuteqaammi ilanngunneqassasoq inatsisitigut Kommunini akuersisutinik akisussaaneq ingerlanneqassasoq.

Inassuteqaat:

Aningaasaqarnermut Ataatsimiititaliap Kommunalbestyrelsimut inassutingaa

Aningaasaqarnermut Ataatsimiititaliami aaliangerneq ilalerneqassasoq

Ilanngussat:

Bilag 01-001:	Inatsisissatut siunnersuut tusarniutaasoq
Bilag 01-002:	Oqaaseqaatit
Bilag 01-003:	Tusarniummut akissutissatut inassuteqaat

Aaliangiineq:

Suliap nr.	Qulequtaq	Bilag nr.	002
KOM 044	Sumiiffinni immikkut toqqakkani takornariartitsisarnernut akuersissuteqartarneq pillugu Inatsisartut inatsisissaattut siunnersuummik tusarniaassuteqarneq	Journal nr.	

Uteqqiineq:

Naalakkersuisut 29. april sumiiffinni immikkut toqqakkani takornariartitsisarnernut akuersissuteqartarneq pillugu Inatsisartut inatsisissaattut siunnersuummik tusarniaassuteqarneq pillugu inatsisissatut ilusilikkamik tusarniaallutik aallartipput.

Kommunalbestyrelsip ulloq 17. marts 2023 Ataatsimiinnermini aalajangerpaa, teknikkimut ataatsimiititaliap inassutigisaa malillugu suleqatingiisitamik pilersitsisoqassasoq inuutissarsiornermik, teknikkimut, aalisarnermut piniarnermullu ataatsimiititaliaat piniartut peqatingiiffiinullu allanullu soqutingisalinnut qulequtaq suliarisassanngorlungu ingerlateqqinneqassooq, tassungalu Inuussutissarsiornermut Pisorta qarfik peqataarusussutimik nalunaaruteqarsimallunissaaq.

Suliap saqqummiunnera:

Inatsisip siunertaraa qularnaassallugu annertunerusumik kommunit akulerunneqartarnissaat, sumiiffinni immikkut toqqakkani takornariartitsisarnernut akuersissuteqartarneq pillugu suliap ingerlanneqartarneranni. Taamaattumik siunnersuutigineqarpoq Naalakkersuisut aalajangiisinaasut pilersitsisoqartarnissaanik sulisoqartarnissaanillu nalilersuisarnernut atatillugu ataatsimiititalianik akuersissuteqarnikkut kommunini takornariartitsinernut akuersissuteqarfiusussanut atatillugu.

Aamma pilersitsisoqarpoq inatsisitigut tunngaviusussanik, pisortat tamanut ammasumik qinnuteqartitserernerisigut sumiiffimmuut atatillugu akuersissuteqartoqarsimanngikkaangat piukkunnartunut immikkut neqeroortitseqqeqqaarani akuersissuteqartoqarsinnaalersillugu. Taamaattoq tamatumani piumasqaataassaaq qinnuteqaatip tiguneqareersimanissaa qinnuteqarfissap qaangiutereernerani qaammatit 18-it iluanni.

Aalajangersagaliortoqarpoq inuit Kalaallit Nunaanni inuit allattorsimaffianni nalunaarsorsimanngitsut sumiiffinni akuersissuteqarfiusartuni ingerlanneqartartut assinginik ingerlateqqusaannginnerat pillugu. Siunnersuutigineqarportaaq akuersissummik tunniussisoqarsinnaasoq piffissamut ukiunik 10-nik sivisussuseqartumut. Tamatuma kinguneraa maannamut malittarisassaasimasuni periarfissap ukiunik 5-inik annertusineqarnera. Assigisaanik annertunerulersitsisoqarpoq periarfissamik akuersissuteqarfiusartumik ukiunik 5-iniit 10-nut. Tamatuma saniatigut eqqunneqassaaq periarfissaliineq akuersissutaasimasumik ukiut 20-it angullugit sivitsuisinnaaneq, tamanna pisariaqaraangat ingerlatsinissanut pilersaarussianik allannguinnikkut, aammalu aningaasatigut sinneqartoortinik pilersitsisinnaanermut periarfissaq tunngavigalugu. Maanna atuuttooreersoq ataatsimut piffissaliisarneq katillugu ukiunut 30-inut ingerlatiinnarneqassaaq. Erseqqissaasiisoqarpoq piffissami tassani akuersissut nutaamik neqeroortitsissutaasussaasoq pillugu.

Qinnuteqartup piginnaaneri aamma kalaallinik sulinermik atuiumassutsikkut piuumassusia inuussutissarsiuteqartunik kalaallinilu nioqutissanik niuertartunik kiffartuussinernillu isumaginnittunik suleqateqarneq akuersissummik tunngaveqartunik sammisassanik ingerlatsinerni pittaasuummat maluginiaqqunarpoq.

Eqqummaariffigineqartariaqartut

Inuiaqatigiit avatangiisitsinnik atuinitsinni pilisarneq, nunaqarfiusimasunullu aasisarneq suli inooriaaserineqarpoq, taamaattumik sumiiffinni immikkut toqqakkani takornariartitsisarneq aqquutissiuunneqassappat, innuttaasut paaseqatigilluinnarlugit sumiiffiit periarfissatut toqqartorneqarnissaat ingerlatsivimmit kaammattuutiginarpoq.

Ingerlariaqqinneq

Tusarniummut akissuteqarnissaq Inuussutissarsiornermut, Niuernermet, Aatsitassanut, Inatsisit Atuutsinneqarnerannut Naligiissitaanermullu Naalakkersuisoqarfiup kingusinnerpaamik ulloq 28. maj 2024 nassiunneqareersimassooq.

Naatsorsuutigineqassooq tusarniaasarnerit assingusut sanillersuukkaanni tusarniummut akissuteqaataasimasut tinguneqareersimalerpata, Naalakkersuisoqarfiup tulluussaaticgerusutani tulluussaaticgeriarsinnaarlugit ukiamut Inatsisartut ataatsimiinnissaannut inatsisissaq saqqummiunneqarumaartoq. Ilisimaaraarpulli oqaaseqaatigineqartut tamatigut malinneqartanngimmata. Sumiiffinni immikkut toqqakkani takornariartitsinermik ingerlatsisoqartassanersoq suleqatigiisitap pilersaarutigineqartup eqqartoreersimalerpangu inassuteqaataasut ataatsimiititaliamut qaqeqqinneqarumaarput, matuma inatsisissatut tusarniutaasup kingusinnerusukkat atuutileratarsinnaanera sioqqullugu, uunga tusarniummut toqqaannaq attuumanngittumik.

Aningaasaqarnermi kingunerisinnaasat:

Toqqaannartumik kinguneqassanngilaq.

Inatsisitigut tunngavigisat aamma toqqammavissiisutut allagaatit:

- Kommunit aqunneqarnerat pillugu Inatsisartut inatsisaat nr. 29, 17. november 2017-imeersoq

Suliamik isumaginninneq:

Inuussutissarsiornermut Ataatsimiititaliaq
Aningaasaqarnermut Ataatsimiititaliaq
Kommunalbestyrelse

Inuussutissarsiornermut Ataatsimiititaliap aaliangernera:*Ingerlatsivimmit inassutigineqarpoq:*

*Tusarniut oqallisigineqassasq, tunngaviatigullu akuersissutigineqassasq.
Nalilersuinermut ataatsimiititaliaq siulittaasoqartineqassasq kommunimit toqqakkamik, taassuma sumiiffimmi ilisimasat aallaavigalungit toqqaaneq qulakkeersinnaassammangu
Naalakkersuisut inassuteqarfigineqassasut, sioqqutsisumik qinnuteqarnissamut piumasaqaatit naammassisinnaajumallugit pikkorissartitsinerit aallartisarnissaannik*

Aaliangerneq:

Ataatsimiititaliap isumaqatigiissup inatsisissatut siunnersuut Avannaata Kommuniani atuutsinneqannginnissaa isumaqarfigivaa, taamatullu kommunalbestyrelse-mut inassuteqaatingalungu.

Aningaasaqarnermut Ataatsimiititaliap aaliangernera:

*Inuussutissarsiornermi Ataatsimiititaliap Aningaasaqarnermut Ataatsimiititaliamut inassutingaa
Inuussutissarsiornermut Ataatsimiititaliami aaliangerneq ilalerneqassasq*

Aaliangerneq:

Inassutigineqartoq akuerineqarpoq.

Inassuteqaat:

Aningaasaqarnermut Ataatsimiititaliap Kommunalbestyrelsimut inassutingaa

Aningaasaqarnermut Ataatsimiititaliami aaliangerneq ilalerneqassasq

Ilangussat:

Bilag 002-01: Inatsisissatut siunnersuut tusarniutaasoq
Bilag 002-02: Oqaaseqaatit

Aaliangiineq:



Ataatsimiinneq naammassivoq nal.:

Atsiorfissaq:

- Aqqalu C. Jerimiassen (A) _____
- Knud Kleemann (A) _____
- Palle Jerimiassen (AT) _____
- Lena Ravn Davidsen (D) _____
- Bendt B. Kristiansen (IA) _____
- Jens Ole Nathanielsen (IA) _____
- Niels Davidsen (IA) _____
- Anthon Frederiksen (N) _____
- Jens Napâtok` (N) _____
- Ane Qujaukitsoq (S) _____
- Elisabeth Nielsen (S) _____
- Jens Kristian Therkelsen (S) _____
- Jakob Petersen (S) _____
- Jørgen Kruse (S) _____
- Magrethe Christensen (S) _____
- Sakio Fleischer, (S), _____
- Timotheus Petersen, (S) _____